

# Fieste de Patrie dal Friûl 2026: la prime celebrade in doi Comuns

*Teme protagonist de zornade: identitât e culture furlane tal 50<sup>m</sup> dal taramot*



LIS AUTORITÂTS ae celebrazion civîl tal Gnûf Teatri Bonsignôr Lavaroni di Dartigne.



Eros Csilino, president de ARLeF, al consete la targhe al retôr de Universitât dal Friûl, Angelo Montanari, pal rûl fundamentâl dal ateneu te rinassite dal taramot.



LA MESSE IN LENGHE FURLANE celebrade dai rapresentants des trê diocesis dal Friûl.



Barbara Zilli, assessore aes financis de Regjon Autonome Friûl-Vignesie Julie.

La Fieste de Patrie dal Friûl 2026 e je stade la prime "itinerante": e à puartât i participants prime a Dartigne e dopo a Montenârs, "cjase" di pre Checo Placerean; il public al è stât acompagnât in doi lûcs che a son un simbul de pedemontane furlane, tal 50<sup>m</sup> inovâl dal taramot che al à tibiât il Friûl. La Fieste e je stade organizade cu la poie de Regjon Autonome Friûl-Vignesie Julie e de ARLeF - Agjenzie regionâl pe lenghe furlane, in colaborazion cul Istitût Ladin Furlan "Pre Checo Placerean".



IL SCAMBI DE BANDIERE dal Friûl tra Carlo Spagnol, sindic di Sacil, sede de Fieste tal 2025, il sindic di Dartigne, Alessandro Marangoni e la vicesindiche di Montenârs, Annalisa Zanitti.